


Perspectiva di un tata orguyoso pa e logro espectacular di un atleta Arubiano na Merca

Anouk Eman ta gana oro pa talento, pero tambe determinacion



NO tin duda cu e fin di siman pasa tabata hopi hopi grandi pa nos famia y Aruba. Anouk Eman hunto cu su Duet partner Reem Abdalazem na Greensboro NC. U.S. National Championship a sa di conquista e titulo maximo den e evento di Senior Free Duet. Un medaya di oro den man di un Arubiano den un pais grandi manera USA cu mas di 350 miyon di habitante ta un orguyo cu nos ta zorga den nos curason. Pa algun aña caba Anouk a ser acerca pa su Coach Lori Eaton pa join e team di Lindenwood University na St. Charles Missouri un ciudad no mucho leu for di St. Louis Missouri un luga no desconoci pa nos famia. Aki ta unda Dr. F.M.A. (Arthur Lulu) Saladin a studia pa bira un di e miho ciruhanan cu Aruba a yega di conoce, tambe ta unda Arthur a zorg pa un di nos ruman Ven Eman a bay school y studia despues cu nos tata a fayece. E amistad cu e hendenan di e bario St. Louis a crece y te awe nos a keda forma parti di e tantisimo famianan Americanonan di e bario aki. Mi no por nombra tur pero sigur lo mi mester trece pa dilanti Mr. John Boush su señora Bernice amiel di Arthur y al tambe di nos. Anouk a parti di e famia aki y cu yudansa e por a cubra cu e bida pisa cu e la den su encargo. Lindenwood University door di di su Coach Lori Eaton a mira e po-

tencial cu e mucha Arubiano aki tin, y a ofrece pa Anouk bin landa pa e Universidad y nan lo percura pa su educacion. Anouk ta cabando su di tres aña universitario faltando solamente un aña pa su Bachelors Degree den Psychology. Di chikito e tawata forma parti di Aruba Dolphins hunto cu su ruman muhe Valerie den landamento pero hopi lihe a duna nos su mayornan di conoce cu e ta prefera e deporte di Synchro. Na un edad hopi jong e la bira miembro di e prestigioso Club Barracudas. Den su trayectoria cu Barracudas e la sa di gana masha hopi medaya mes, local y internacional. Den su prome aña na Lindenwood University cu su team, Anouk y Reem (Duet) a yega na di 4 luga durante e competencianan nacional entre Universidadnan y collegenan den e deporte di Synchro. Den nan prome aña hunto y cu algun otro estudiante nobo cu Lori a busca pa Lindenwood University, bou di e liderazgo di Anouk Eman como capitan di e ekipo, e team di Lindenwood a yega te na di 5 luga for di 31 luga general den e competencianan Universitario di e aña 2010/2011. Na 2011/2012 Anouk y Reem a finalisa e competencia na di tres luga pa nan Duet y Lindenwood University a yega te na e di 4 luga en general (Team, Solo, Duet y Trio). Aki Anouk a tuma parti den e Duet, Trio y Team. Na e aña 2012/2013 Lindenwood University a yega na e di 3 luga en general y cu Anouk y Reem un bes mas na di tres luga den nan Duet pa e competencianan Universitario. Aki ta caminda cu Lori a mira e oportunidad cu su Solista Mary Killman entre otro, tin hopi chens pa gana e competencia den Solo y Anouk cu Reem ta sobresali cu nan talento pa nan Duet den U.S. National Championship. E la tuma e decision pa no manda e team completo pero djis cu e Solistanan y su flamante

Duet, y e estrategia a traha. Nos como mayornan y di Anouk un famia mas ta orguyoso yiu y ruman y sigur di su partne

Reem, Coach Lori y henter e team di Lindenwood University. Nos no mester lubida tur e otro personanan cu a yuda pa Anouk por a yega asina leu, Aruba Dolphins, Club Barracudas y su coach Alba, Arubaanse Zwem Bond, COA y henter e team, y Sra. Nicole Hoevertsz, su Mama Gloria y su rumannan, mi rumannan, nos amigonan y tur otro persona cu di un manera of otro a duna Anouk un man pa por a logra e medaya di Oro aki den e U.S. National Championship 2013.

E soño di Anouk semper tabata pa representa su pais lo miho posibel. Y cu un dia e por pone number di Aruba riba plataforma mundial. For di chikito, e tabata dispuesto pa sacrifica locual hopi mucha lo a prefera,



esta sali, drumi te laat. Su rutina tabata pa e ta den pool tur mainta 5'or, bay school, bolbe train y despues haci huiswerk. Mescos tabata e caso na Merca, unda e ta lanta tur dia pa 4:30 di mainta, train, bay school, percura pa su puntonan keda halto y bolbe train. Y esaki ta diariamente, ya pa tres aña. Un disciplina cu no a kita nada di su personalidad alegre.

Na Merca, e tin e posibilidad como Solista, pero esaki no ta un categoria reconoci pa Weganan Olimpico. Como tal Anouk ta mas cu dispuesto, apesar di retonan di estudio y hasta fisico, pa sirbi como ehempel y mentor pa talentonan Arubiano cu ta comparti e mesun soño. Como famia, nos lo sigui sostene tur su decisionnan. Particularmente awor cu el a capta atencion di e miho coachnan na Merca, incluso esunnan cu ta prepara atletanan pa Weganan Olimpico. Danki pa e apoyo "Aruba". Tata feliz di Anouk, Braat Eman.

